



REPUBLIKA E SHQIPËRISË
AGJENCIA E SIGURIMIT TË CILËSISË NË ARSIMIN E LARTË
BORDI I AKREDITIMIT

VENDIM

Nr. 09, datë 25.02.2022

PËR

AKREDITIMIN E PARË TË PROGRAMIT TË STUDIMIT TË CIKLIT TË PARË
BACHELOR NË “GJUHË SHQIPE DHE LETËRSI”, TË UNIVERSITETIT “ISMAIL
QEMALI”, VLORË

Bordi i Akreditimit, bazuar në Ligjin Nr. 80 datë 17.09.2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, Ligji Nr. 8480, datë 27.5.1999 “Për funksionimin e Organeve Kolegjiale të Administratës Shtetërore dhe Enteve Publike”, Ligjin Nr. 44/2015, datë 30.04.2015, “Kodi i procedurave administrative të Republikës së Shqipërisë”, Vendimin e Këshillit të Ministrave Nr. 109, datë 15.02.2017 “Për organizimin dhe funksionimin e Agjencisë së Sigurimit të Cilësisë në Arsimin e Lartë e të Bordit të Akreditimit dhe për përcaktimin e tarifave për proceset e sigurimit të cilësisë në arsimin e lartë”, i ndryshuar, Vendimin e Këshillit të Ministrave nr. 531, datë 11.9.2018, “Për miratimin e Kodit të Cilësisë së Arsimit të Lartë”, Vendimin e Bordit të Akreditimit, Nr. 1, datë 07.04.2017, “Për mbylljen e procedurave të mbartura për shkak të riorganizimit të Institucioneve të Sigurimit të Cilësisë në Arsimin e Lartë”, Vendimin e Bordit të Akreditimit, Nr. 2, datë 07.04.2017, “Për përcaktimin e kohëzgjatjes dhe afateve të vlefshmërisë së akreditimit në kuadër të vendimmarrjes për akreditimin e Institucioneve të Arsimit të Lartë dhe Programeve të Studimit” dhe Vendimin e Bordit të Akreditimit, Nr. Ekstra 1, datë 02.02.2018 “Për miratimin e Rregullores së Bordit të Akreditimit”, në mbledhjen e tij të datës 25.02.2022, në kuadër të vendimmarrjes për akreditimin e parë të programit të studimit të ciklit të parë, Bachelor në “Gjuhë Shqipe dhe Letërsi”, me të dhënat si më poshtë:

- a) Emërtimi i programit: Bachelor në “Gjuhë Shqipe dhe Letërsi”
- b) Cikli i studimit: Cikli i parë
- c) Akti zyrtar i hapjes/licensimit: Shkresë e Ministrit të Arsimit dhe Shkencës Nr. 5352, datë 22.08.2005
- d) Institucioni që e ofron: Universiteti “Ismail Qemali”, Vlorë
- e) Njësia bazë përgjegjëse: Departamenti i Gjuhës dhe Letërsisë
- f) Kohëzgjatja (Vite/semestra): 3 vite / 6 semestra
- g) Kredite (ECTS): 180 kredite
- h) Forma e studimit: Me kohë të plotë
- i) Statusi i diplomës: ofrohet vetëm nga Universiteti “Ismail Qemali”, Vlorë
- j) Niveli i diplomës në kuadrin e Kornizës Shqiptare të Kualifikimeve: Niveli 6

pasi mori në shqyrtim:

- a. Dokumentacionin e Vetëvlerësimit, përfshirë të dhënat e programit të studimit;
- b. Raportin e Vetëvlerësimit dhe dokumentacionin mbështetës;
- c. Dokumentacionin e Vlerësimit të Jashtëm, përfshirë Raportin e Vlerësimit të Jashtëm, dhe dokumentacionin shtesë;
- d. Raportimin e Ekspertëve të Vlerësimit në mbledhjen e Bordit;
- e. Vlerësimin e cilësisë në përmbajtje, të kryer nga ekspertët e jashtëm në përbërje të Grupit të Vlerësimit të Jashtëm;
- f. Procedurën e vlerësimit të ndjekur dhe monitoruar nga ASCAL;
- g. Komunikimin e vërejtjet e institucionit në kuadër të këtij procesi;

konstaton se:

- a. Procedura dhe procesi i vlerësimit janë kryer në përputhje me parashikimet ligjore dhe nënligjore dhe afatet e përcaktuara në këto akte;
- b. Vlerësimi në përmbajtje është i mbështetur në Dokumentacionin e Vetëvlerësimit, Vlerësimit të Jashtëm dhe gjetjet e verifikimet gjatë vizitës në institucion;
- c. Raporti është hartuar në përputhje me kërkesat dhe i mbështetur me fakte, të dhëna e dokumentacion plotësues;
- d. Rezultatet e vlerësimit janë nxjerrë në përputhje me gjetjet, pikat e forta e afirmimet dhe pikat e dobëta, të identifikuar e verifikuar përmes dokumentacionit dhe vizitës në institucion;
- e. Rezultati i vlerësimit në lidhje me shkallën e plotësimin të *“Standardeve për sigurimin e cilësisë për programet e studimit të ciklit të parë “Bachelor”* dhe cilësinë e ofertës akademike të programit të studimit është **“i përmbush pjesërisht standardet”**, me mangësitë si më poshtë:
 1. Mungesa e një studim të mirëfilltë të tregut të punës për të njohur nevojat reale të këtij programi studimi si dhe mungesa një databazë për të diplomuarit e këtij programi studimi.
 2. Ngarkesa e madhe e orëve në auditor për secilën lëndë të këtij programi studimi.
 3. Shpërndarja e krediteve për lëndët e kategorisë së formimit karakterizues, është e njëjtë me ato të kategorive të tjera formuese.
 4. Mungesa e infrastrukturës laboratorike për zhvillimin e lëndës së fonetikës, e cila është pjesë e kurrikulës së këtij programi studimi.
 5. Mos zbatimi i temës së diplomës, si një alternativë për finalizimin e studimeve, të studentëve të këtij programi studimi që plotësojnë kushtet e nevojshme të caktuara nga institucioni.

Mbështetur mbi rezultatet dhe arsyetimin e mësipërm, Bordi i Akreditimit,

VENDOSI:


1. Vlerësimin përfundimtar **POZITIV** për programin e studimit **Bachelor** në **“Gjuhë Shqipe dhe Letërsi”**, të Universitetit **“Ismail Qemali”**, Vlorë, me rekomandimet sipas shtojcës së këtij vendimi.
2. **Akreditimin** e programit të studimit me kohëzgjatjen prej **3 (tre)** vite.
3. Afati përfundimtar i vlefshmërisë së akreditimit të programit të studimit është **24/02/2025**.
4. Ngarkohet Agjencia e Sigurimit të Cilësisë në Arsimin e Lartë për zbatimin e këtij vendimi, publikimin dhe lëshimin e certifikatës së akreditimit brenda një muaji nga data e marrjes së këtij vendimi, si dhe monitorimin për ruajtjen në vijim të Standardeve të Kodit të Cilësisë dhe plotësimin e rekomandimeve sipas shtojcës bashkëlidhur.

Ky vendim hyn në fuqi menjëherë.

BORDI I AKREDITIMIT

SHQIPONJA TELHAJ		Kryetare
ALEXANDER KOHLER		Anëtar
AYŞEN SAVAŞ SARGIN		Anëtar
TOMASZ JELENSKI		Anëtar
IRAJ HASHI		Anëtar
MAURICE OUDEJANS		Anëtar
LEA YPI		Anëtar
KITA SALLABANDA DIAZ		Anëtar

DARINKA PIQANI



Anëtar

DRITAN NAÇE



Anëtar

INDRIT HOXHA



Anëtar

Shtojca

Rekomandimet në zbatim të vendimit të Bordit të Akreditimit Nr. 09, datë 25.02.2022, “Për akreditimin e parë të programit të studimit Bachelor në “Gjuhë Shqipe dhe Letërsi”, të Universitetit “Ismail Qemali”, Vlorë, janë si vijon:

1. Institucioni, të hartojë një studim të mirëfilltë të tregut të punës për të njohur nevojat reale të këtij programi studimi si dhe të krijojë një databazë për të diplomuarit e këtij programi studimi.
2. Institucioni, të marrë masa për uljen e ngarkesës në auditor të lëndëve të këtij programi studimi.
3. Institucioni, të rishikojë shpërndarjen e krediteve për lëndët e formimit karakterizues duke rritur peshën e tyre në raport me lëndët e kategorive të tjera formuese.
4. Institucioni, të krijojë infrastrukturën e nevojshme laboratorike për zhvillimin e lëndës së fonetikës, e cila është pjesë e kurrikulës së këtij programi studimi.
5. Institucioni, ti ofrojë studentëve të këtij programi studimi, që plotësojnë kriteret, alternativën e finalizimit të studimeve me anë të realizimit të tëmës së diplomës.
6. Institucioni, të rishikojë dhe përditësojë syllabuset e këtij programi studimi, sipas parashikimeve ligjore e nënligjore në fuqi.
7. Institucioni, nxisë rritjen e aktivitetit shkencor të stafit aklademik të këtij programi studimi, si dhe rritjen e përfshirjes së tyre në trajnime dhe projekte.
8. Institucioni, të përditësojë e pasurojë fondin e bibliotekës, me tituj të rinj e cilësorë, në ndihmë të studentëve të këtij programi studimi, si dhe ti ofrojë mundësinë e abonimit në revista shkencore dhe në biblioteka digjitale.
9. Institucioni, të krijojë instrumenta periodikë për vlerësimin e cilësisë së këtij programi studimi, duke përfshirë të gjithë aktorët.

Në përmbushje të rekomandimeve të mësipërme, **Universiteti “Ismail Qemali”, Vlorë**, duhet të hartojë një Plan Veprimi konkret dhe ta dorëzojë atë brenda 6 (gjashtë) muajve pranë Agjencisë së Sigurimit të Cilësisë në Arsimin e Lartë.

Ngarkohet ASCAL për ndjekjen e përmbushjes së këtyre rekomandimeve dhe raportimin në BA brenda afatit të përcaktuar në Planin e Veprimit.

